

16 Desember 2006 – Die nuwe Gelofte

Hierdie Geloftefees op 16 Desember 2006 was weereens by Kameeldrif 225 gehou, en al drie Geloftes is gelees, die 1838, die Dogter van Sion-Boek van Herinnering-gelofte en die Dogter van Sion Nuwe Huis-gelofte. Dit het spontaan gebeur, nadat ons besef het dat ons Vader hierdie laaste Gelofte geseën het. Die huis was nou funksioneel en mense het weekliks ingestroom na hierdie huis, waarvan ons die deure per gelofte vir Sy kinders oopgehou het.

Die res van 2006 en 2007 was gekenmerk deur wonderlike geestelike openbaringe wat na ons toe gekom het. Die grootste deel van die Lorberboeke se vertaling was afgehandel, so ook die meeste van die Bertha Dudde werke wat vanuit Hollands na Afrikaans vertaal is. Gedurende hierdie tyd open Dogter van Sion nog 'n webwerf, www.nuweopenbaring.co.za waar al die direkte openbaringe van ons Vader geplaas word. Al die boeke word gratis in elektroniese formaat beskikbaar gemaak. Duisende mense begin die webwerf maandeliks besoek en die nuwe openbaring begin nou wêreldwyd bekend te raak.

Die wonderlikste gebeurtenis het egter die oggend van 30 Julie 2007 plaasgevind, toe Judith de Beer, 'n Boeredogter van die Dogter van Sion (nou wel sowat 50 jaar oud en nie meer 'n dogtertjie nie!) die innerlike stem van ons Vader hoor. So gee Hy toe die eerste direkte boodskap deur na Sy Sionsvolk, die Boerevolk in Suid-Afrika. Van daar af het sy ononderbroke elke dag 'n boodskap ontvang en vandag, 22 September 2007, is ons reeds by die 122ste boodskap. Een van die mooistes, gegee op 6 Julie 2007 lees as volg.

Uittreksel uit openbaring 41: ... Maar nog altyd in My wysheid het Ek trou 'n oorblyfsel bewaar en onder julle volk het 'n geringe groepie 'n nuwe skriftelike ooreenkoms met My aangegaan en in hierdie nuwe skriftelike kontrak lê die hoop en opstaan van julle volk.

Hierdie ooreenkoms kan net die Nuwe Gelofte wees, die een wat op 22 September 2003 afgelê is vir die eerste keer en wat onder die eikeboom bevestig is met 'n klipstapel. Die een wat Hy op wonderbaarlike wyse bevestig het met 'n verdorde ou eikeblaartjie. Hierdie inhoud sal deeglik bestudeer en nagekom moet word deur elkeen in hierdie Sionsvolk.

Hoe wonderlik is hierdie hele 9 lesings se bevestiging nie! Dankie Abba Vader, dat U ons nog 'n kans gegee het in 1997, dat u mis gegooi het op hierdie boom, dat u hom nie uitgespit het nie, dat U hom voortdurend onderhou het, 49 keer daarna te Bloedrivier en Kameeldrif 225, daarna die 50ste keer as vrylating en ons daarna as volwaardige eie boom, op 22 September gevestig. Dankie, dankie dankie. Amein.

Die laaste beloftes voor die Wederkoms moet in vervulling gaan

Vir elkeen wat nog in sy of haar blindheid nie weet wat hulle te doen staan in die donker toekoms van ons volk nie, hou op om u te bekommer, begin te juig en te jubel, want u is Sion, die gekose een, en daar is verlossing belowe, beskerming in die verwoestingstye wat voorhande is. Weet dat dit donker tye is wat wag op elkeen, daar is ongelooflike natuurfratse, pessiëktes, Uhuru-nag, atoomoorlog, kernafval vanuit die lugruim en 'n verskriklike Antichris-heerskappy wat voorlê. Maar u sal beskerming geniet, maar SLEGS deur die inhoud van hierdie EEN VERBOND, want daar is maar **Een Sionskind** en nie meer nie. Dit sê nie ek nie, maar ons Hemelse Vader sê dit vir ons in **Openbaring 120 aan Judith de Beer**, gegee op 20 September 2007.

Wee die valse vrug

*Salig is die eerlike onvrugbares wat hulself besig hou met goeie werke wat gebore is uit waarheid en gees. Dit is beter om kinderloos deur die lewe te gaan, as om 'n giftige vrug, as gevaar vir ander se lewe te baar. In wellus wil die leuen vir haarself 'n kind verwek en in die wieg van die waarheidskind, wil sy haar telg neerlê. **As 'n enkel suiwer vrug, is klaar My Sionskind gebaar en wee die valse saad, wat in sy plek wil staan** en Natan sal Ek stuur om die gruwel oop te vlek en in die valse moederskoot sal die onsuiver fetus sterf. Die waarheid sal die leuen ontbloot, wee daarom die valse skoot.*

Die Joël 2 beloftes vir die eindtyd

Ons lewe tans in die tydperk van **Joël 2:23-32** en hierdie beloftes moet sigbaar waar word in ons, Sion in Suid-Afrika se midde. As hierdie beloftes waar word, kan elkeen mos nou verseker weet dat dit die plek sal wees wat ons Vader uitgekies het om in te woon.

23 En julle, kinders van Sion, juig en wees bly in JahWeH julle Elohey, want Hy gee julle die Leraar tot Geregtigheid en laat op julle neerdaal die reën, die Leraar en die laat reëns, soos voorheen. [Maleági 3:1]

Hierdie leraar is die Gees van Waarheid wat sal manifesteer in die twee getuies, naamlik die twee olyfbome en die twee gemeentes van **Openbaring 11** en **Sagaria 4**.

24 Dan sal die dorsvloere vol koring wees en die parskuipe van vars wyn en olie oorloop.

Hierdie is vars nuwe openbarings wat gegee sal word, produkte van die laat reën en die Leraar.

25 En Ek sal julle vergoed die jare wat die treksprinkaan, die jong sprinkaan, die kommandowurm en die sprinkaan verslind het - My groot Leërmag wat Ek teen julle gestuur het. [Boekrol van die Opregte 80:33; JôWEI 1:4]

Hierdie tydperk verwys na die tydperk (nou 31 jaar) wat die swart kommunistiese regering die Boervolk vertrap en alles kaalgevreet het.

26 Dan sal julle oorvloedig eet en versadig wees en die Naam van JaHWeH julle Elohey prys wat wonderbaar met julle gehandel het, en My volk sal in ewigheid nie beskaamd staan nie.

*27 En julle sal **weet dat Ek in die midde van JisraEl is**, Ek - JaHWeH julle Elohey, en niemand anders nie; en My volk sal in ewigheid nie beskaamd staan nie.*

JaHWèshua sal Homself aan hierdie groep vertoon, eers in verholde vorm, in 'n wolk, daarna openlik.

*28 En daarna sal Ek **My Gees uitgiet op alle vlees**, en julle **seuns en julle dogters sal profeteer**, julle **oues drome droom**, julle **jongelinge visioene sien**. [JeségiEl 13:11-13; MattithJaHûW 16:3]*

*29 En **ook op die diensknegte en op die diensmaagde** sal Ek in dié dae My Gees uitgiet. [JeségiEl 24:27]*

Dit sal dus die teken wees, naamlik talle profesieë deur ons seuns en dogters, drome deur oues en visioene deur jongelinge. Indien u dus ernstig op soek is na hierdie groep, sal dit 'n baie groot leidraad wees. Verseker gaan Lucifer ook 'n valse aanslag loods en elkeen sal binne-in sy eie hart moet ingaan en versekering kry dat hyself by die regte groep is. Ook alle voorafgaande eienskappe van die Melgisédek-orde moet ook teenwoordig wees in so 'n groep.

30 En Ek sal wondertekens gee aan die Hemele en op die Aarde: bloed en vuur en pilare van rook.

31 Die son sal verander word in duisternis en die maan in bloed, voordat die groot en deurlugtige dag van JaHWeH kom.

Weereens 'n bevestiging dat hierdie dinge sal plaasvind tydens of net voor groot katastrofiese natuurgebeure wat wêreldwyd sal plaasvind.

*32 En elkeen wat die Naam van JaHWeH aanroep, sal gered word; **want op die Berg van Sion en in Jerusalem** sal daar ontkoming wees soos JaHWeH gesê het, en **onder die oorblyfse!** van die wat JaHWeH sal roep.*

Elke Israeliet wat JaHWeH se Naam aanroep sal op die Berg Sion, by die wedergebore Melgisédek-orde en by die Nuwe Leer (Jerusalem) ontkoming ontvang van die bose Antichris heerskappy wat aan die eindtyd opgerig gaan word.

Die trek uit Egipte

Nou vir die belangrike vraag. Waar gaan hierdie berg aan die eindtyd wees? Ons weet dat die berg geestelik verwys na die hoogste geestelike vlak wat ons as mense in die vlees kan bereik, naamlik die volkome wedergeboorte van die gees, terwyl ons nog in die vlees is. Maar dit is ook logies om af te lei dat die vrou/volk in die wildernis sal wees, ten tye van die verdrukkingstydperk op aarde. Die afleiding kan gemaak word dat dit op 'n spesifieke plek sal wees. Vir leidrade sal ons dus na die groot trek uit Egipteland moet gaan kyk, waar die volk ook in drie fases moes trek tot in Kanaän. Interessant stel die tabernakel se konstruksie ook hierdie drieledige trek voor.

Eerstens stel die voorportaal die Egipte slawerny, die vleeslikheid voor, beskryf deur die vleispotte van Egipte, waarheen almal altyd na terugverlang. Daarna gaan hulle deur die Rooi see (wedergeboorte van die siel) voorgestel deur die waskom as doop van gehoorsaamheid vir diegene wat die eerste Pasga korrek gevier het.

Nou is hulle in die woestyn/wildernis, voorgestel deur die Heilige Vertrek in die tabernakel, waar hulle siele gesuiwer word deur die onderhouding van die lefdeswette en die eet van die hemelse manna. Daarna gaan hulle deur die hartsbesnydenis, dan deur die Jordaan (wedergeboorte van die gees), wat die tweede voorhangsel voorstel.

Nou kom hulle in Kanaän aan, voorgestel deur die Allerheiligste Vertrek, wat die volkome eenwording met Vader aandui, waar hulle sou vertoef en binne die orde van Vader sou leef. Helaas het dit nie toe so plaasgevind nie, maar ons wat vandag in die Melgisédek-orde kan ingaan, weet dat dit hierdie keer werklik so sal plaasvind. Satan gaan nie weer slaag nie, want ons Melgisédek Priester, JaHWèshua, het hom oorwin op die vloekhout.